



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs
Police department

Broj: 02/1 - 27 123
Dana: 16.01.2023. godine

17-01-2023

01

04 51520-37-53

SKUPŠTINA KANTONA SARAJEVO

- n/r gosp. Okerić Elvedin, predsjedavajući

12

PREDMET: Zastupnička inicijativa zastupnika Avdić Samira, informacija, dostavlja se.-

VEZA: Akt Skupštine Kantona Sarajevo broj 01-04-51520-37/22 od 28.12.2022. godine

U vezi Vašeg akta broj i datum veze, uz koji je dostavljena zastupnička inicijativa zastupnika Skupštine Kantona Sarajevo Avdić Samira, Policijska uprava Ilidža sačinila je informaciju, koju Vam dostavljamo u prilogu akta.

S poštovanjem,

PRILOG: - Informacija.-

POLICIJSKI KOMESAR
Generalni inspektor policije

Nusret Selimović

INFORMACIJA

u vezi dopisa Skupštine Kantona Sarajevo i inicijative zastupnika Avdić Samira, o prikupljanju podataka od relevantnih subjekata

Povodom dopisa Skupštine Kantona Sarajevo i zastupničke inicijative zastupnika Avdić Samira, koja se odnosi na prikupljanje podataka od relevantnih subjekata u vezi nelegalne deponije u 1. vodozaštitnoj zoni u blizini korita rijeke Željeznice „Sokolović kolonija, polje kod Mosta spasa, stotinjak metara uzvodno, lijeva obala“, općina Ilidža, želimo vas informisati o slijedećim činjenicama, sa kojima raspolaže Policijska uprava Ilidža, kao organizaciona jedinica Uprave policije MUP-a Kantona Sarajevo.

Uvidom u službene evidencije koje vodi Policijska uprava Ilidža, kada je u pitanju data problematika, evidentno je da je tokom proteklog perioda bilo određenih postupanja, koja se mogu prikazati na slijedeći način:

- Dana 23.07.2020. godine, prijava da je na lokalitetu naselja Butmir, došlo do pomora ribe, i da se kao mogući uzrok navode radovi u neposrednoj blizini rijeke Tilave, izvođeni od strane firme „Mevludin Comerc“. Operativni materijal 30.07.2020. godine, ispred Odjeljenja kriminalističke policije Ilidža, dostavljen nadležnom tužilaštvu Kantona Sarajevo, na ocjenu.
- Dana 09.03.2021. godine, prijava predstavnika lokalne samouprave Ilidža, sekretar MZ Sokolovići, da se na lokalitetu ulice Trg 22 Aprila općina Ilidža, u neposrednoj blizini rijeke Željeznice, odlaže otpadni građevinski materijal. Informacija 10.04.2021. godine, proslijeđena Službi za inspeksijski nadzor općine Ilidža.
- Dana 01.10.2021. godine, prijava nelegalnih građevinskih radova od strane firme „Mevludin Comerc“, u vidu iskopa zemljišta u blizini mosta koji povezuje naselje Otes i Osjek. Informacija 05.10.2021. godine, proslijeđena Službi za inspeksijski nadzor općine Ilidža.
- Dana 13.06.2022. godine, prijava odlaganja građevinskog otpada na lokalitetu naselja Sokolović kolonija, na dijelu lijeve obale rijeke Željeznice, zatečeni uposlenici privatne firme „Mevludin Comerc“, sa konstatacijom da vrše nivelisanje terena i da posjeduju rješenje izdato od strane općine Ilidža, broj 02/19-4139/20 od 16.09.2020.godine. Informacija 15.06.2022. godine, proslijeđena Službi za inspeksijski nadzor općine Ilidža.
- Dana 16.08.2022. godine, vlasnik privatne parcele prijavio da je iz teretnog vozila izvršeno odlaganje građevinskog materijala na njegov privatni posjed, koji se nalazi u blizini „Mosta spasa“, prema izjavi prijavitelja vozilo vlasništvo firme „Mevludin Comerc“. Informacija 17.08.2022. godine, proslijeđena Službi za inspeksijski nadzor općine Ilidža.

Postupajući po predmetnom aktu, sa ciljem konstatacije trenutnog stanja u pogledu eventualnih radova u neposrednoj blizini rijeke Željeznice, policijski službenici dana 10.01.2023. godine, izvršili su obilazak užeg dijela riječne obale rijeke Željeznice na relaciji od „Ratnog mosta spasa“ do entitetske linije razgraničenja sa Entitetom RS u naselju Vojkovići, i konstatirali da trenutno nema izvođenja građevinskih radova niti saznanja o eventualnom odvozu riječnog pijeska sa teritorijalnog područja koje pripada Kantonu Sarajevo i općini Ilidža, stim da se istovremeno došlo do informacije da se sa područja koje pripada Entitetu RS, vrši eksploatacija riječnog šljunka, i da se isti koristi za potrebe firme Hidrogradnja, sa sjedištem u naselju Butmir, općina Ilidža.

Policijska uprava Ilidža, kada je u pitanju problematika nelegalnog deponovanja građevinskog materijala i eksploatacija riječnog šljunka iz neposredne blizine rijeke Željeznice, shodno svojim nadležnostima, nastavit će kontinuirano pratiti stanje i o svim bitnim saznanjima, blagovremeno informisati nadležne inspeksijske organe, kako na Kantonalnom, tako i općinskom nivou.

Ilidža, Januar 2023. godine